

絕妙好詞箋
七卷





由國家圖書館數位化、典藏

絕妙好詞箋卷三

弁陽老人周密原輯

宛平查為仁同箋
錢塘厲鶚

劉克莊

克莊字潛夫號後邨莆田人以蔭仕淳祐中賜同進士出身官至龍圖閣直學士有後邨別調一卷

摸魚兒 海棠

甚春來冷煙淒雨朝朝遲了芳信
驀然作暖晴三日又覺萬姝嬌困
天怎忍潘令老不成也沒看花分
才情減盡悵玉局飛仙石湖絕筆
辜負這風韻
傾城色懊惱佳人薄命
牆頭岑寂誰問東風日暮無聊
賴吹得燕支成粉
君細認花共酒古來二事天尤吝
年光去迅漫綠葉成陰
青苔滿地做取異時恨

卜算子 海棠為風雨所損

片片蝶衣輕
點點猩紅小
道是天工不惜花
百種千般巧
朝見樹頭

繁莫見枝頭少道是天工果惜花雨洗風吹了

清平樂

項在維揚陳師文參議家舞姬絕妙為賦此詞

宮腰束素只怕能輕舉好築避風臺護取莫遣驚鴻飛去一團香玉

溫柔笑顰俱有風流貪與蕭郎眉語不知舞錯伊州

生查子

燈夕戲陳敬叟

繁燈奪霽華戲鼓侵明滅物色舊時同情味中年別淺畫鏡中眉深

拜樓中月人散市聲收漸入愁時節

花菴絕妙詞選云陳以莊名敬叟號月溪建安人劉後邨陳敬叟集序云敬叟詩才氣清拔力量宏放為人曠達如列禦寇莊周飲酒如阮嗣宗李太白筆札如谷子雲草隸如張顛李潮樂府如溫飛卿韓致光余每歎其所長非復一事為穀城黃子厚之甥故其

詩酷似云

詞旨警句貪與蕭郎眉語不知舞錯伊州

清平樂

瀛奎律髓注寶慶初史彌遠立之際錢唐書肆陳起宗之能詩凡江湖詩人俱與之善刊江湖集以售劉潛夫南岳橐與馬宗之賦詩有云秋雨梧桐皇子府春風楊柳相公橋本改劉屏山句也或嫁秋雨春風之句為教器之所作言者併梅詩論列劈

江湖集板二人皆坐罪初彌遠議下大理逮治鄭丞相清之在
瑣闥白彌遠中輟而宗之坐流配于是詔禁士大夫作詩如孫
花翁之徒改業為長短句詔定癸巳彌遠死詩禁解潛夫為訪
梅絕句云夢得因桃卻左遷長源為柳忤當權幸然不識桃并
李也被梅花累十年此可備梅花大公案也

吳潛

潛字毅夫號履齋宣國人嘉定十年進士第一淳祐中觀文殿大
學士封慶國公改封許國公景定初安置循州卒贈少師有履齋
詩餘三卷

滿江紅 金陵烏衣園

柳帶榆錢。又還過、清明寒食。天一笑、滿園羅綺。滿城簫笛。花樹得晴紅
欲染。遠山過雨青如滴。問江南、池館有誰來。江南客。烏衣巷。今猶昔。
烏衣事。今難覓。但年年、燕子晚煙斜日。抖擻一春塵土債。悲涼萬古英
雄迹。且芳樽隨分趁芳時。休虛擲。

景定建康志云烏衣園在城南二里烏衣巷之東一堂扁曰來燕
歲久傾圮咸淳元年馬公光祖撤而新之堂後植桂亭曰綠玉香

中梅花彌望堂曰百花頭上其餘亭館曰更展曰穎立曰長春曰望
望冬日挹華曰更好左右位置森列佳花美木芳蔭蔽虧非復曩
時寒煙衰草之陋矣

南柯子

池水凝新碧。闌花駐老紅。有人獨倚畫橋東。手把一枝楊柳，繫春風。
鵲伴游絲墜。蜂黏落蕊空。鞦韆庭院小簾櫳。多少閒情閒緒，雨聲中。

景定建康志吳潛雨花台再用前韻滿江紅云瑪瑙岡頭左釀
酒右持螯食懷舊處磨東冶劍弄青溪笛望裏尚嫌山是障醉
中要捲江無滴這一堆心事總成灰蒼波客數飽仰成令昔愁
易攬歡難覓正平蕪遠樹落霞殘日自笑頻招猿鶴怨相期蚤
混漁樵跡把是非得失與榮枯虛空擲云祝告天公放燈時節
開慶四明續志吳潛永遇樂己未元夕云祝告天公放燈時節
且收今雨萬戶千門六街三市綻水晶雲母香車寶馬珠簾翠
幙不怕禁更敲五霓裳曲驚回好夢誤遊紫宮朱府沈思舊日
京華風景逗曉猶聽戲鼓分鏡圓時斷釵合處倩笑歌與舞如
令聞院蜂殘蛾褪消夜果邊自語虧人殺鞦梅花紙帳權將睡
補滿江紅戊午二月十七日四明窗賦云芳景無多又還是亂
紅飛墜空悵望昭亭深處家山桃李柳眼花心都脫換蜂鬚蛭
翅難沾綴謾相携一笑競良辰春醪美金獸蕪香風細金鳳拍
歌雲膩儘秦簫燕管但逢場爾只恐思鄉情味惡怎禁寒食清

明裏問此翁不止四宜休翁歸未
豹隱紀談徐參政清寔微時贈建
宜妓唐玉詩云上國新行巧
樣花一枝聊插髮雲斜嬌羞未肯
從郎意故把芳容故故遮吳
履齋丞相和以賀新郎詞云可意
人如玉小簾櫳輕勻淡抹道
家妝束長恨春歸無尋處全在
波明黛綠看冶葉倡條渾俗比
似江梅清有韻更臨風對月斜
依竹看不足詠不足曲屏半掩
春山簇正輕寒夜深花睡半敲
殘燭縹緲九霞光裏夢香在衣
裳賸馥又只恐銅壺聲促試問
送人歸去後對一奩花影垂金
粟腸易斷恨難續
至元嘉禾志吳潛水調歌頭題煙
雨樓云有客抱幽獨高立萬
人頭東湖千頃煙雨占斷幾春
秋自有茂林修竹不用買花沽
酒此樂若為酬秋到天空闊浩
氣與雲浮歎吾曹緣五斗尚遲
留練江亭下長憶閒了釣魚舟
矧更飄搖身世又更奔騰歲月
辛苦復何求咫尺桃源隔他日
擬重遊

尹煥

煥字惟曉山陰人嘉定十年進士自畿漕除右司郎官有梅津集

霓裳中序第一 茉莉

青鬢染素塵。海國仙人偏耐熱。餐盡香風露屑。便萬里凌空。肯憑蓮葉。盈盈步月。悄似憐輕去。瑤闕人何在。憶渠癡小。點點愛輕搥。愁絕舊游輕別。忍重看鎖香金篋。淒涼今夜。簟席怕杳杳。詩魂真化。風蝶冷香清。到骨夢十里。梅花霽雪。歸來也。厭厭心事。自共素娥說。

全芳備祖云素馨花舊名那悉若一名野悉若昔劉鋹有侍女名素馨冢上生此花因以得名尹海津霓裳中序第一云云

眼兒媚

垂楊裊裊蘸清漪。明綠染春絲。市橋繫馬。旗亭沽酒。無限相思。雲梳雨洗。風前舞。一好百般宜。不知為甚。落花時節。都是顰眉。

唐多令

苕溪有牧之之感

蘋末轉清商。溪聲供夕涼。緩傳盃催喚紅妝。慢縮烏雲新浴罷。裊拂地。水沈香。歌短舊情長。重來驚鬢霜。悵綠陰青子成雙。說著前歡。佯不採。鷓鴣蓮子。打鴛鴦。

齊東野語云尹梅津未第時薄游苕霅籍中適有所盼後十年問訊舊遊則久為宗子所據且育子而猶挂名籍中于是假之郡將久而始來顏色瘁服不足膏沐相對若不勝情梅津為賦唐多令云

吳文英夢窗甲橐水龍吟壽尹梅津云望春樓外滄波舊年照眼青銅鏡煉成寶月飛來天上銀河流影紺玉鉤簾處橫犀塵天香分鼎記殷雲殿瑣裁花翦露曲江畔春風勁槐省紅塵晝靜午朝回吟生晚興春霖繡筆鶯邊清曉金狻旋整閭苑芝生貌生綃對綠窗深景弄瓊英數點宮梅信早占年光永

趙以夫

以夫字用父號虛齋福之長樂人嘉定中正奏名歷知邵武軍漳州皆有治績嘉熙初為樞密都承旨二年拜同知樞密院事淳祐初罷尋加資政殿學士進吏部尚書兼侍讀詔與劉克莊同纂修國史

憶舊遊慢 荷花

望紅蕖影裏冉冉斜陽十里沙平喚起江湖夢向沙鷗住處細說前盟水鄉六月無暑寒玉散清冰笑老去心情也將醉眼鎮為花青 亭亭步明鏡似月浸華清人在秋庭照夜銀河落想粉香溼露恩澤親承十

洲縹緲何許風引綵舟行尚憶得西施餘情裊裊煙水汀

虛齋樂府徵韶咏雪云玉壺凍裂琅玕折駸駸逼人衣袂暖絮張空飛失前山橫翠欲低還起似妝點滿園春意記憶當時刻中情味一溪雲水天際絕行人高吟處依稀灞橋鄰里更翦翦梅花落雲階月地化工真解事強句引老來詩思楚天暮驛使不來悵曲闌獨倚

姚鏞

鏞字希聲號雪蓬剡溪人贛州守有雪蓬集一卷剡錄云姚鏞嘉定十年吳潛榜進士

謁金門

吟院靜遲日自行花影熏透水沈雲滿鼎晚妝窺露井 飛那游絲無

定誤了鶯鶯相等欲喚海棠教睡醒柰何春不肯

羅椅

椅字子遠號澗谷癸辛雜識云羅椅廬陵人富家子壯年捐金結客後為饒雙峯高弟又以薦登賈師憲之門丙辰第進士以秉義郎為江陵教改潭教及宰贛之信豐遭提轄權貨度宗升遐失於入臨論罷

寶祐四年登科錄第二甲第三十人羅椅字子遠小名天驥第七十一永感下年四十三十二月十五日寅時生外氏孫治賦四舉娶劉氏曾祖上達祖維翰宣政郎父沂宣義郎本貫吉州廬陵縣化仁鄉祖為戶

柳梢青

萼綠華身小桃花扇安石榴裙子野聞歌周郎顧曲曾惱夫君悠悠
羈旅愁人似零落青天斷雲何處銷魂初三夜月第四橋春

詞旨警句何處銷魂初三夜月第四橋春柳梢青

翰墨全書羅椅八聲甘州孤山有感云甚匆匆歲月又人家插柳記清明政南北高峯風傳笑響如泛簫聲吹散樓台煙雨鶯語諳也春晴何所無芳草惟此青青誰管孤山山下任種梅月冷薦菊泉清看人情如此沈醉不須醒問何時樊川歸去歎故鄉七十五長亭君知否洞雲溪月笑我飄零

方岳

岳字巨山號秋崖祁門人紹定五年進士兩為文學掌故官中祕書出守袁州有秋崖先生詞彙

江神子

牡丹

窗綃深掩護芳塵翠眉顰越精神幾雨幾晴做得這些春切莫近前輕

著語題品錯怕花噴 碧壺難貯玉粼粼碎苔茵晚風頻吹得酒痕如

洗一番新只恨謫仙渾嬾事辜負卻倚闌人

秋崖詞彙滿江紅九日登冶城樓云且問黃花陶令後幾番重
九應解笑秋崖人老不堪詩酒宇宙一舟吾倦矣山河兩戒君
知否倚西風無奈劍花寒蚪龍吼江欲醺談天口秋何負持螯
手儘石麟蕪沒斷煙衰柳故國山圍青玉案何人印佩黃金斗
倘只消江左管夷吾終須有

楊伯岳

伯岳字彥瞻號泳齋楊和王諸孫居臨安淳祐開除工部郎出守
衢州錢塘薛尚功之外孫弁陽周公謹之外舅也有六帖補二十
卷九經補韻一卷行世

踏莎行 雪中疏寮借閣帖更以薇露送之

梅觀初花蕙庭殘葉當時慣聽山陰雪東風吹夢到清都今年雪比年
前別 重釀宮醪雙鉤官帖伴翁一笑成三絕夜深何用對青藜窗前
一片蓬萊月

法帖譜系云熙陵以武定四方載橐弓矢文治之餘留意翰墨乃出御府歷代所藏真蹟命侍書王著摹勒刻板禁中釐為十卷此

歷代法帖之祖

格古要論云太宗搜訪古人墨蹟于淳化中命侍書王著摹勒作

十卷用棗木板刻置祕閣卜有銀錠紋用澄心堂紙李庭珪墨拓打以手楷之墨不汚手親王大臣各賜一本人間罕得

讀書附志云淳熙祕閣續法帖十卷淳熙十二年三月十九日奉聖旨摹勒鍾繇諸人帖

武林舊事云諸色酒名薔薇露流香並御庫

中興館閣續錄云高似孫字續古鄞縣人淳熙十一年進士慶元

五年十月除祕書省校書郎六年二月通判徽州按似孫號疏寮

周晉

晉字明叔號嘯

點絳脣

訪牟存安南漪釣隱

午夢初回捲簾盡放春愁去晝長無侶自對黃鸝語絮影蘋香春在

無人處移舟去未成新句一研梨花雨

癸辛雜識云牟端明園本郡志南園後歸李寶謨其後又歸牟存齋園中有碩果軒大梨一株元祐學堂芳菲二亭萬鶴亭茶蘆雙

李亭梓舫齋岷峨一畝宮前枕大溪曰南漪小隱吳興掌故集云
牟子才字存寔其先并研人愛吳興山水清遠因家湖州之南門

清平樂

圖書一室香暖垂簾密花滿翠壺熏研席睡覺滿窗晴日手寒不了

殘碁篝香細勘唐碑無酒無詩情緒欲梅欲雪天時

珊瑚網郭昇手書此詞跋云大德十一年歲丁未十月初十日
客寓燕山奔走暮歸黃塵滿面挑燈讀此詞一過想像江南如

夢中也

柳梢青 楊花

似霧中花似風前雪似雨餘雲本自無情點萍成綠卻又多情 西湖

南陌東城甚管定年年送春薄倖東風薄情遊子薄命佳人

楊 纘

纘字繼翁嚴陵人居錢唐宣宗楊后兄次山之孫號守齋又號紫
霞翁圖繪寶鑑云度宗朝女為淑妃官列卿好古博雅善琴有紫
霞洞譜傳世時作墨竹

八六子 牡丹次白雲韻

怨殘紅夜來無賴雨催春去
怱怱但暗水新流芳恨
蛭淒蜂慘千林嫩綠
迷空那知國色還逢
柔弱華清扶倦輕盈
洛浦臨風細認得凝妝點
脂勻粉露蟬聳翠藥金團
玉成叢幾許愁隨笑解
一聲歌轉春融眼朦朧
凭闌干半醒醉中

一枝春

除夕

竹爆驚春競喧填夜起
千門簫鼓流蘇帳暖
翠鼎緩騰香霧停杯未舉
柰剛要送年新句應自有
歌字清圓未誇上林鶯語
從他歲窮日暮
縱聞愁怎減劉郎風度
屠蘇辦了迤邐柳欺梅
妒宮壺未曉早驕馬繡
車盈路還又把月夜花朝
自今細數

武林舊事云守歲之詞雖多極難其選獨守齋一枝春最為近世所稱

被花惱 自度腔

疏疏宿雨釀寒輕
簾幙靜垂清曉
寶鴨微溫瑞煙少
簷聲不動春禽對
語夢怯頻驚
覺欹珀枕倚銀牀
半窗花影明東照
惆悵夜來風生怕
嬌香混瑤草
披衣便起小徑回廊
處處多行到
正千紅萬紫競芳妍
又還似年時
被花惱
驀忽地省得而今
雙鬢老

詞旨詞眼蝶淒蜂慘

翁孟寅

孟寅字賓賜號五峯錢塘人四朝聞見錄云翁孟寅其先本建之崇安人祖中丞彥國偽楚張邦昌潛帝時嘗提兵勤王為李丞相綱之亞父謙之進士孟寅首登臨安鄉書

齊天樂 元夕

紅香十里銅駝夢
如今舊遊重省
節序飄零歡娛老大
慵立燈光蟾影
傷心對景怕回首
東風雨晴難準
曲巷幽坊管絃一片
笑相近 飛棚
浮動翠葆看金釵
半溜春爐紅粉
鳳輦鼇山雲收霧斂
迤邐銅壺漏迴

霜風漸緊展一幅青綃爭懸孤鏡帶醉扶歸曉醒春夢穩

燭影搖紅

樓倚春城瑣窗曾共巢春燕人生好夢逐春風不似楊花健舊事如天
漸遠柰晴絲牽愁未斷鏡塵埋恨帶粉樓香曲屏寒淺環珮空歸故
園羞見桃花面輕煙殘照下欄杆獨自疏簾捲一信狂風又晚海棠花
隨風滿院亂鴉歸後杜宇嗁時一聲聲怨

阮郎歸

月高樓外柳花明單衣怯露零小橋燈影落殘星寒煙蘸水萍歌袖
窄舞環輕梨花夢滿城落紅嗁鳥兩無情春愁添曉醒

吳文英夢窗乙彙江神子送翁五峯自鶴江還都云西風一葉
送行舟淺遲留艤汀洲新浴紅衣綠水帶香流應是離宮城外
晚人竝立小簾鉤新歸重省別來愁黛眉頭半痕秋天上人間
斜月繡鍼樓湖浪莫迷花蝶夢江上釣負輕鷗

趙汝茝

汝光字參晦號霞山宋史宗室世系表商王元份八世孫善官子

梅花引

對花時節不曾歡見花殘任花殘小約簾櫳一面受春寒題破玉楸雙
喜鵲香燼冷遶雲屏渾是山待眠未眠事萬千也問天也恨天髻兒
半偏繡裙兒寬了還寬自取紅氍重坐暖金船惟有月知君去處今夜
月照秦樓第幾閒

夢江南

簾不捲細雨熟櫻桃數點霽霞天又曉一痕涼月酒初消風緊絮花高
蕭閒處磨盡少年豪昨夢醉來騎白鹿滿湖春水段家橋濯髮聽吹
簫

戀繡衾

柳絲空有萬千條繫不住溪頭畫橈想今宵也對新月過輕寒何處小

橋 玉簫臺榭春多少溜嗁痕盈臉未消怪別來燕支慵傅被春風偷
在杏梢

漢宮春

著破荷衣笑西風吹我又落西湖湖閒舊時飲者今與誰俱山山映帶
似攜來畫卷重舒三十里芙蓉步障依然紅翠相扶 一目清無留處
任屋浮天上身集空虛殘燒夕陽過雁點點疏疏故人老大好襟懷消
減全無漫贏得秋聲雨耳冷泉亭下騎驢

如夢令

小砑紅綾牋紙一字一行春淚封了更親題題了又還塢起歸未歸未
好箇瘦人天氣

詞旨警句怪別來胭脂慵傅被東風偷在杏梢戀綉衾

馮去非

去非字可遷號深居南康都昌人淳祐元年進士幹辦淮東轉運司寶祐四年召為宗學諭

喜遷鶯

涼生遙渚正綠芰擎霜黃花招雨雁外漁燈菴邊蠓舍絳葉表秋來路
世事不離雙鬢遠夢偏欺孤旅送望眼但憑舷微笑書空無語 慵看
清鏡裏十載征塵長把朱顏汚借箸清油揮毫紫塞舊事不堪重舉閒
潤故山猿鶴冷落同盟鷗鷺倦遊也使檣雲拖月浩歌歸去

吳文英夢窗丙橐燭影搖紅餞馮深居翼日深居初度云飛蓋
西園晚秋恰勝春天氣霜花開盡錦屏空紅葉新裝綴時放清
杯泛水暗淒涼東風舊事夜吟不就松影闌干月簾寒翠莫唱
陽關但憑綵袖歌千歲秋星入夢隔明朝十載吳宮會一棹回
潮渡葦正西窗燈花報喜柳蠻櫻素試酒爭憐不教不醉

許棊

棊字忱夫海鹽人嘉熙中隱居秦溪于水南種梅數十樹自號梅
屋室中懸白香山蘇東坡二像事之人有奇編見無不錄以故環
室皆書著有獻醜集一卷梅屋橐三卷融春小綴一卷樵談一卷
梅屋詩餘一卷

鷓鴣天

翠鳳金鸞繡欲成
沈香亭下款新晴
綠隨楊柳陰邊去
紅踏桃花片上行
鶯意緒蝶心情
一時分付小銀箏
歸來玉醉花柔困
月濾窗紗約半更

琴調相思引

組繡盈箱錦滿機
倩人縫作護花衣
恐花飛去無復上芳枝
已恨遠山迷
望眼不須更畫遠
山眉正無聊賴
雨外一鳩曉

後庭花

一春不識西湖面
翠羞紅倦
雨窗和淚搖湘管
意長牋短
知心惟有雕梁燕
自來相伴
東風不管琵琶怨
落花吹遍

梅屋詩餘滿宮春云嬾搏香慵弄粉猶帶淺醒微困金鞍何處掠新歡倩燕鶯尋問柳供愁花獻恨袞絮獵紅成陳碧樓能有幾番春又是一番春盡虞美人云杏花窗底人中酒花與人相守簾衣不肯護春寒一聲嬌嚏兩眉攢擁衾眠明朝又有秋千

約恐未收梳掠倩誰傳語畫樓風略吹絲雨溼春紅絆遊蹤山
花子云按柳揉花旋染衣絲絲紅翠撲春輝羅綺叢中無此豔
小西施腰細最便圍舞帕袖寒時復罩香匣誤點一痕殘粉淚
怕人知

陸叡

叡字景思號雲西會稽人會稽續志進士表紹定五年徐元杰榜
陸叡佃五世孫景定建康志陸叡淳祐中沿江制置使參議除禮
部員外崇政殿說書

瑞鶴仙

溼雲黏雁影望征路愁迷離緒難整千金買光景但疏鐘催曉亂鴉
曉眼花棕暗省許多情相逢夢境便行雲都不歸來也合寄將音信
孤
迴盟鸞心在跨鶴程高後期無準情絲待翦翻惹得舊時恨怕天教何
處參差雙燕還染殘朱刺粉對菱花與說相思看誰瘦損

詞旨警句對菱花與說相思看誰瘦損 瑞鶴仙

蕭秦來

泰來字則陽號小山臨江人紹定二年進士有小山集癸辛雜識云泰來理宗朝為御史附謝丞相為右司李伯玉所劾姚希得指為小人之宗

霜天曉月 梅

千霜萬雪受盡寒磨折賴是生來瘦硬渾不怕角吹徹 清絕影也別
知心惟有月元沒春風情性如何共海棠說

庶齋老學叢談云此作與王瓦全梅詞命意措詞略相似詞旨警句清絕影也別知心惟有月霜天曉月

趙希邁

希邁字端行詞本作瑞行誤號西里永嘉人宋史宗室世系表燕王德昭九世孫師僚第三子續文獻通考云趙希邁著有西里橐高疏寮跋

八聲甘州 竹西懷古

寒雲飛萬里一番秋一番攪離懷向隋隄躍馬前時柳色今度蒿萊錦
纜殘香在否枉被白鷗猜千古揚州夢一覺庭槐 歌吹竹西難問拚

菊邊醉著吟寄天涯任紅樓蹤跡茅屋染蒼苔幾傷心橋東片月趁夜
潮流恨入秦淮潮回處引西風恨又渡江來

詩話總龜云蜀岡者維揚之地也蜀岡之南有竹西亭修竹疏翠
後即禪智寺也取杜牧之斜陽竹西路歌吹是揚州自蜀岡以南
景氣頓異北風至此遂絕
葛洞江都志云竹西亭在城北五里禪智寺側向子固易曰歌吹
經紹興兵火周滌重建復舊名

趙崇璠

崇璠字漢宗號白雲南豐人嘉定十六年進士授石城令改淳安
嘗上疏極論儲嗣未定及中人專橫官至大宗丞有白雲橐宋史
宗室世系表商王元份九世孫汝悉長子

蝶戀花

一翦微寒禁翠袂花下重開舊燕添新壘風旋落紅香匝地海棠枝上
鶯飛起薄霧籠春天欲醉碧草澄波的情如水料想紅樓挑錦字
輕雲淡月人憔悴

菩薩蠻

桃花相向東風笑
桃花忍放東風老
細草碧如煙
薄寒輕暖天
折釵鸞作股
鏡裏參差舞
破碎玉連環
捲簾春睡殘

趙希彭 一作灝

希彭字清中號十洲四明人宋史宗室世系表燕王九世孫師鄭長子延祐四明志寶慶二年王會龍榜進士

霜天曉角 桂

姮娥戲劇手種長生粒
寶榦婆娑千古飄芳吹滿
虛碧韻色檀露滴
人間秋第一金粟如來境界
誰移在小亭側

秋蕊香

髻穩冠宜翡翠壓
鬢絲絲金葉遠山碧淺
蘸秋水香煖榴裙襯地
窈窕
窈窕二八餘年紀
惱春意玉雲凝重步塵細
獨立花陰寶砌

玉 澡

瀑字身甫號瓦全庶齋老學叢談云瀑四明人有瓦全集文獻通考王瀑寧海人太常博士初名津字子知

霜天曉角 梅

疏明瘦直不受東皇識留與伴春應肯千紅底怎著得 夜色何處笛

曉寒無柰力飛入壽陽宮裏一點點有人惜

方岳深雪偶談云太常博士瓦全王先生有落梅小詞云云劉公潛夫已附于後村集詩話中予亦潛附之拙橐雖然先生文行表表一詞固何足為先生軒輊也予少時即登門以先公同生丙戌且相友善之故遂辱撰先公墓銘誌中有文不逮岳而岳強以銘之語當知前輩獎掖後進有如此也

趙與鉞 詞本誤作鉤

與鉞字慶御號崑崙宋史宗室世系表燕王十世孫希洽第三子

謁金門

歸去去風急蘭舟不住夢裏海棠花下語醒來無覓處 薄倖心情似絮長是輕分輕聚待得來時春幾許綠陰三月莫

樓槃

槃字考甫號曲澗

霜天曉角

梅

月淡風輕黃昏未是清吟到十分清處也不啻二三更
曉鐘天未明
曉霜人未行只有城頭殘角說得盡我平生

又

翦雪裁冰有人嫌太清又有人嫌太瘦都不是我知音
誰是我知音
孤山人姓林一自西湖別後辜負我到如今

鍾過

過字改之號梅心廬陵人中寶祐三年乙卯解試

步蟾宮

東風又送酴醾信
蚤吹得愁成潘鬢
花開猶似十年前
人不似十年前

後水邊珠翠香成陣也消得燕窺鶯認歸來沈醉月朦朧覺花氣滿襟猶潤

詞旨警句花開猶似十年前人不似十年前俊步蟾宮
詞眼燕窺鶯認

李肩吾

肩吾字子我號蟪洲眉州人精六書之學嘗著字通為魏鶴山之
客虞集字通序云李君在魏文靖公門下有師友之道焉

撾毬樂

風冑薦紅雨易晴病花中酒過清明綺窗幽夢亂於柳羅袖淚痕凝似
錫冷地思量著春色三停早二停

風流子

雙燕立虹梁東風外煙雨溼流光望芳草雲連怕經南浦葡萄波漲怎
博西涼空記省殘妝眉暈斂冑袖唾痕香春滿綺羅小鶯捎蝶夜留絃
索么鳳求凰 江湖飄零久頻回首無柰觸緒難忘誰信溫柔牢落翻

墮愁鄉便別本作使非玉笈銅爵花間陶寫瑤釵金鏡月底平章十二主家
樓苑應念蕭郎

清平樂

美人嬌小鏡裏容顏好秀色侵人春帳曉郎去幾時重到
叮嗑記取
兒家碧雲隱映紅霞直下小橋流水門前一樹桃花

風入松冬至

霜風連夜做冬晴曉日千門香葭暖透黃鍾管正玉臺彩筆書雲竹外
南枝意早數花開對清樽香閨女伴笑輕盈倦繡停鍼花輒一綫添
紅景看從今迤邐新春寒食相逢何處百單五箇黃昏

烏夜啼

徑蘚痕沿碧甃簷花影壓紅闌今年春事渾無幾游冶嬾情慳
舊夢
鶯鶯沁水新愁燕燕長干重門十二簾休捲三月尚春寒

清平樂

東風無用吹得愁眉重有意迎春無意送門外溼雲如夢
韶光九十
慳慳俊遊回首關山燕子可憐人去海棠不分春寒

鷓鴣天

綠色吳箋覆古苔濡毫重擬賦幽懷杏花簾外鶯將老楊柳樓前燕不
來
倚玉枕墜瑤釵午窗輕夢繞秦淮玉鞭何處貪游冶尋徧春風十
二街
楸按倚當作敬

黃

簡柯氏刊本作關高氏作蘭俱誤

詞旨警句叮啞記取兒家碧雲隱映紅霞直下小橋流水門前一
樹桃花清平樂
簡一名居簡字元易號東浦文肇社虎邱志云黃居簡字元易建
安人工詩嘉熙中卒通判翁逢龍葬之虎邱王荃姑蘇志云漳潭
陳氏北園范石湖書扁東浦黃簡為記即其人也

柳梢青

病酒心情喚愁無限可柰流鶯又是一年花驚寒食柳認清明 天涯
翠巘層層是多少長亭短亭倦倚東風只憑好夢飛到銀屏

玉樓春

龜紋曉扇堆雲母日上綵闌新過雨眉心猶帶寶觥醒耳性已通銀字
譜 密奩綵索看看午暈素分紅能幾許妝成按鏡問春風比似庭花
誰解語

陳策

策字次賈號南墅上虞人以功授武階

摸魚兒 仲宣樓賦

倚危梯酌春懷古輕寒纔轉花信江城望極多愁思前事惱人方寸湖
海興算合付元龍舉白澆談叻憑高試問問舊日王郎依劉有地何事
賦幽憤 沙頭路休記家山遠近賓鴻一去無信滄波渺渺空歸夢門

外北風淒緊烏帽整便做得功名難綠星星鬢敲吟未穩又白鷺飛來

垂楊自舞誰與寄離恨

李曾伯可齋雜彙仲宣樓記略云按江陵志樓名昉于祥符復于紹興淳祐十年賈公似道為制置使重新是樓夏六月易鎮全淮章懷李其繼之如前畫越半暮告成蜡月二十五日爰集賓校置酒而落之又點絳脣餞陳次賈云嬾上巍樓楚江一望天無際漫游萍寄莫挽東流水一片秋光直到山陰里人還記戍邊歸未更憶鱸魚美又齊天樂和陳次賈為壽韻云今年塞上秋來早昂街尚餘芒曜舉目闕河驚心弧矢顧我豈堪戎燾幾番鳳誥愧保障何功恩陸旒藻笑指呼鷹露花煙草憶劉表頭顱如許相與歲寒猶賴有白髮公道對月懷人臨風訪古往事淒涼難考何時是了莫馳志伊吾貪名清廟松菊歸來稽山招此老按淳祐中可齋為荆州閩帥次賈往賓幕相與倡和此詞正作于仲宣樓落成之日也江陵志餘云仲宣樓在城東南隅憑墉結構列榭參差相傳後梁高季興所建望沙樓也陳堯佐鎮荆乃易令名然登樓賦注言樓在江陵梁孝元出江陵縣還詩朝出屠牛縣夕反仲宣樓先賢傳亦云荆州有王察宅則樓屬江陵亦自有據不必泥指當陽襄陽為定案也

滿江紅 楊花

倦繡人閒恨春去淺顰輕掠章臺路雪黏飛燕帶片穿幕委地身如遊

子倦隨風命似佳人薄歎此花飛後更無花情懷惡心下事誰堪託
憐老大傷飄泊把前回離恨暗中描摸又趁扁舟低欲去可憐世事今
非昨看等閒飛過女牆來鞦韆索

黃 曷 高氏刊本作曷誤

曷字叔暘號玉林胡季直云玉林蚤棄科舉雅意讀書吟咏自適
游受齋稱其詩為晴空冰柱樓秋房聞其與魏菊莊友善并以泉
石清士目之有絕妙詞選二十卷散花菴詞一卷

清平樂 宮詞

珠簾寂寂愁背銀釭泣記得少年初選入三十六宮第一
當時掌上承恩而今冷落長門又是羊車過也月明花落黃昏

詞旨警句又是羊車過也月明花落黃昏清平樂
散花菴詞浪淘沙云秋色滿層霄翦翦寒颼一襟殘照兩無聊
數盡歸鴉人不見落木蕭蕭往事欲魂消夢想風標春江綠漲
水平橋側帽停鞭沽酒處柳軟鶯嬌

李振祖

振祖號中山寶祐四年登科錄第四甲第十三人李振祖字起翁
第萬一慈侍下年四十六二月丁酉日丑時生外氏趙一舉娶劉
氏曾祖簡能御史祖胶承義郎父宣本貫福州閩縣祖為戶

浪淘沙

春在畫橋西畫舫輕移粉香何處度漣漪認得一船楊柳外簾影垂垂
倚誰碧闌低酒暈雙眉鴛鴦並浴燕交飛一片閒情春水隔斜日人

歸

薛夢桂

夢桂字叔載號梯巖永嘉人寶祐癸丑姚勉榜進士嘗知福清縣
四朝聞見錄云夢桂父公圭紹熙五年上書光宗請建儲東嘉姓
譜云薛夢桂仕至平江倅

醉落魄

單衣乍著滯寒更傍東風作珠簾壓定銀鈎索雨弄新晴輕旋玉塵落
花脣巧借妝紅約嬌羞纔放三分萼樽前不用多評泊春淺春深都

向杏梢覺

眼兒媚

綠牋

碧筒新展綠蕉芽
黃露灑榴花
蘸煙染就和雲捲起秋水人家
只因
一朵芙蓉月
生怕黛簾遮
燕銜不去雁飛不到愁滿天涯

三姝媚

薔薇花謝去更無情
連夜送春風
雨燕子呢喃似念人
憔悴往來朱戶
漲綠煙深早零落
點池萍絮
暗憶年華羅帳分釵又驚春莫
芳草淒
迷征路待去也
還將畫輪留住
縱使重來怕粉容銷膩
卻羞郎覷細數
盟言猶在
悵青樓何處
綰盡垂楊
爭似相思寸縷

浣溪紗

柳映疏簾花映林
春光一半幾銷魂
新詩未了枕先溫
燕子說將千
萬恨
海棠開到二三分
小窗銀燭又黃昏

曾揆

揆字舜卿號懶翁南豐人

西江月

欄雨輕敲夜夜牆雲低度朝朝日長天氣已無聊何況洞房人悄
眉共新荷不展心隨垂柳頻搖午眠彷彿見金翹驚覺數聲嘒鳥

錢塘汪同校沈勘

絕妙好詞箋卷三終

絕妙好詞箋卷四

弁陽老人周密原輯

宛平查為仁同箋
錢塘厲鶚

吳文英

文英字君特號夢窗四明人從吳履齋諸公游有夢窗甲乙丙丁

尹惟曉云求詞于吾宋前有清真後有夢窗此非煥之言天下之

公言也
沈義甫云夢窗深得清真之妙其失在用事下語太晦處人不可

曉
張叔夏云吳夢窗如七寶樓臺眩人眼目墜碎下來不成片段

入聲甘州 陪庾幕諸公秋登靈巖

渺空煙四遠是何年青天墜長星幻蒼崖雲樹名娃金屋殘霸宮城箭
運酸風射眼劒水染花腥時鞞雙鴛響廊葉秋聲 宮裏吳王沈醉倩
五湖倦客獨釣醒醒問蒼波無語華髮柰山青水涵空閣凭高處送亂
鷗斜日落漁汀連呼酒上琴臺去秋與雲平

吳郡圖經續記云研石山在吳縣西二十一里越絕書云吳人于
 研石山置館娃宮頂有三池曰日月池曰研池曰玩花池蓋吳時所
 鑿也山上舊傳有琴臺又有響屨廊或曰鳴屨廊以榭相藉地
 西子行則有聲故名嘗登靈巖之巔俯瞰具區煙濤浩渺一目千
 里而碧巖翠塢點綴于滄波之間誠絕景也或云晉陸玩捨宅為
 寺即靈巖寺也

吳郡志云靈巖山前有采香徑橫斜如臥箭

聲聲慢 閨重九飲郭園

檀欒金碧婀娜蓬萊游雲不蘸芳洲露柳霜蓮十分點綴殘秋新鸞畫
 眉未穩似含羞低度牆頭愁送遠駐西臺車馬共惜臨流 知道池亭
 多宴掩庭花長是驚落秦謳膩粉闌干猶聞凭袖香留輸他翠連拍甃
 瞰新妝時浸明眸簾半捲帶黃花人在小樓

夢窗乙橐絳都春余往來清華池館六年賦咏屢以感昔傷今益
 不堪懷乃復作此解云春來雁渚弄豔冶又入垂楊如許因舞瘦
 腰曉溼宮黃池塘雨碧沿蒼蘚雲根路尚追想凌波微步小樓重
 上憑誰為唱舊時金縷凝竚煙蘿翠竹欠羅袖為倚天寒日暮強
 醉梅邊招得花奴來尊俎東風須惹春雲住莫把飛瓊吹去便教
 移取薰籠夜溫繡戶花心動郭清新華新軒云入眼青紅小玲瓏

飛簷度雲微溼繡檻展春金屋寬花誰管采菱波狹翠深知是深
多少都不放夕陽紅入待妝綴新漪漲翠小園荷葉此去春風滿
篋應時鎖蛛絲淺虛塵榻夜雨試燈晴雪吹梅趁取珠簪重盞捲
簾不解招新燕春須笑酒慳歌澀半窗掩日長困生翠睫按郭困
當即是郭清華池館惜人與地俱不可考矣

青玉案

短亭芳草長亭柳記桃葉煙江口今日江村重載酒殘盃不到亂紅青
塚滿地閒春繡翠陰曾摘梅枝嗅還憶鞦韆玉蔥手紅索倦將春去
後薔薇花落故園蝴蝶粉薄殘香瘦

又

新腔一唱雙金斗正霜落分甘手已是紅窗人倦繡春詞裁燭夜香溫
被怕減銀壺漏吳天雁曉雲飛後百感情懷頓別本作疎酒綵扇何
時翻翠袖歌邊拚取醉魂和夢化作梅邊瘦

好事近

飛露灑銀牀葉葉怨梧嗁碧斲竹粉連香汗是秋來陳跡
藕絲空纜宿湖船夢濶水雲窄還繫鴛鴦不住老紅香月白

唐多令

何處合成愁離人心上秋縱芭蕉不雨也颼颼都道晚涼天氣好有明月倦登樓
年事夢中休花空煙水流燕辭歸客尚淹留垂柳不繫裙帶住漫長是繫行舟

張叔夏云此詞疎快不質實

高陽臺 落梅

官粉雕痕仙雲墮影無人野水荒灣古石埋香金沙鎖骨連環南樓不恨吹橫笛
恨曉風千里關山半飄零庭院黃昏月冷欄杆壽陽宮裏愁鸞鏡問誰調玉髓暗補香癡
細雨歸鴻孤山無限春寒離魂難倩招清些夢縞衣解佩溪邊最愁人嗁鳥清明葉底青圓

杏花天 重午

幽懽一夢成炊黍知綠暗汀菰幾度竹西歌斷芳塵去寬盡經年臂縷
梅黃後林梢更雨小池面曉紅怨莫當時明月重生處樓上宮眉在
否

風入松

聽風聽雨過清明愁草瘥花銘樓前綠暗分攜路一絲桃一寸柔情料
峭春寒中酒交加曉夢曉鶯 西園日日埽林亭依舊賞新晴黃蜂頻
撲鞦韆索有當時纖手香凝惆悵雙鴛不到幽階一夜落生

朝中措

晚妝慵理瑞雲盤鍼線傍燈前燕子不歸簾捲海棠一夜孤眠 踏青
人散遺鈿滿路雨打鞦韆尚有落花寒在綠楊未褪青絲

西江月

青梅枝上晚花

枝裊一痕雪在葉藏幾豆春濃玉奴最晚嫁東風來結梨花幽夢 香
力添薰羅被瘦肌猶怯冰綃綠陰青子老溪橋羞見東鄰嬌小

浪淘沙

燈火雨中船客思絲絲離亭春草又秋煙似與輕鷗盟未了來去年年
往事一潸然莫過西園凌波香斷綠苔錢燕子不知春事改時立鞦韆

鞦韆

高陽臺 豐樂樓分韻得如字

修竹凝妝垂楊駐馬憑闌淺畫成圖山色誰題樓前有雁斜書東風緊
送斜陽下弄舊寒晚酒醒餘自銷凝幾許花前頓老相如 傷春不在
歌樓上在鐙前欹枕雨外薰爐怕有游船臨流可柰清臞飛紅若到西
湖底攪翠瀾總是愁魚莫重來吹盡香絲淚滿平蕪

思嘉客

迷蝶無蹤曉夢沈寒香深閉小庭心欲知湖上春多少但看樓前柳淺
深愁自遣酒孤斟一簾芳景燕同吟杏花宜帶斜陽看幾陣東風晚
又陰

采桑子慢 九日

桐敲露井殘照西窗人起悵玉手曾攜烏紗笑整風欹水葉沈紅翠微
雲冷雁慵飛樓高莫上魂銷正在搖落江籬走馬斷橋玉臺妝榭羅
帕香遺歎人老長安燈外愁換秋衣醉把茱萸細看清淚溼芳枝重陽
重處寒花怨蝶新月東籬

三姝媚

過都城舊居有感

湖山經醉慣漬春衫嘔痕酒痕無限久客長安歎斷襟零袂浣塵誰浣
紫曲門荒沿敗井風搖青蔓對語東鄰猶是曾巢謝堂雙燕春夢人
閒須斷但怪得當時夢緣能短繡屋秦箏傍海棠偏愛夜深開宴舞歇

歌沈花未減紅顏先變並久河橋欲向斜陽淚滿

詞旨屬對霜杵敲寒風鐙搖夢盤絲繫腕巧篆垂簪落葉霞飄敗

窗風咽風泊波驚露零秋冷警句連呼酒上琴台去秋與雲平八聲甘州簾半捲帶黃花人在

小樓聲聲慢玉奴最晚嫁東風來結梨花幽夢西江月綠陰青子在

老溪橋羞見東鄰嬌小同上月落五空無影齊天樂不約舟移楊

柳岸有緣人映桃花見倦尋芳漸老芙蓉猶自帶霜看同上

按詞綜作帶霜重看鐵網珊瑚吳文英手書詞彙古香慢自度腔夷則商犯無射宮

賦滄浪看桂云怨娥墜柳離佩搖蕙霜訊南浦謾憶橋扉倚竹

袖寒日暮還同月中游夢飛過金風翠羽把殘雲刺水萬頃暗

熏冷麝淒苦漸浩渺凌山高處秋澹無光殘照誰主露粟侵肌

夜約羽林輕誤翦碎惜秋心更腸斷珠塵蘚路怕重陽又催近

滿城細雨沈伯時樂府指迷云余自幼好詩王寅秋始識靜翁于澤濱癸

卯識夢窗暇日相與倡酬率多填詞因講論作詞之法然後知
詞之作難于詩蓋音律欲其協不協則成長短之詩下字欲其
雅不雅則近乎纏令之體用字不可太露露則直突而無深長
之味發意不可太高高則狂怪而失柔婉之意思此則知所以
為難周公謹賈洲漁笛譜玉漏遲題吳夢窗詞集云老來懽意少錦
鯨仙去紫簫聲杳怕展金匱依舊故人懷抱猶想烏絲醉墨驚
俊語香紅圍繞閒自笑與君共是承平年少雨窗短夢誰憑是

幾番宮商幾番吟嘯淚眼東風回首四橋煙草載酒倦游處已
換却花開曉鳥春悄幾天涯暮雲殘照
張炎山中白雲聲聲慢題夢窗自度曲霜花瘦卷後云煙堤小
舫雨屋深燈春衫慣染京塵舞柳歌挑心事暗惱東鄰渾疑夜
窗夢蝶到如今猶宿花深待喚起甚江蘿搖落化作秋聲回首
曲終人遠黯銷魂忍看朵朵芳雲潤墨空題惆悵醉魄難醒獨
憐水樓賦筆有斜陽還怕登臨愁未了聽殘鶯曉過柳陰

翁元龍

元龍字時可號處靜娥江題詠云句章人
杜成之云時可之作如絮浮水如荷溼露榮旋流轉似沾非著

水龍吟 雪霽登吳山見滄閣聞城中簫鼓聲

畫樓紅溼斜陽素妝褪出山眉翠街聲暮起塵侵鐙戶月來舞地宮柳
招鶯水荳飄雁隔年春意黯梨雲散作人間好夢瓊簫在錦屏底樂
事輕隨流水暗蘭消作花心計情絲萬軸因春織就愁羅恨綺昵枕迷
香沾簾看夜舊游經醉任孤山刺雪殘梅漸嬾跨東風騎

西湖遊覽志云吳山石龜巷內寶奎寺宋相喬行簡故第後捨為
寺有理宗書見滄二字勒之屋石兩湖塵談云吳山下寶奎寺門

徑幽深樹石清雅乃宋相喬行簡故第其西偏坡陀可眺立大江
一望在目有巨石上刻見滄二字其旁款璽云御書之寶相傳宋
理宗書

風流子

聞桂花懷西湖

天澗玉屏空輕雲弄淡墨畫秋容正涼挂半蟾酒醒窗下露催新雁人
在山中又一片好秋花占了香換卻西風簫女夜歸帳栖青鳳鏡娥吟
冷釵墜金蟲 西湖花深窈窕閒庭砌曾占席地歌鐘載取斷雲歸去幾
處房櫳恨小簾燈暗粟肌消瘦薰爐煙滅珠袖玲瓏三十六宮清夢還
與誰同

醉桃源

柳

千絲風雨萬絲晴年年長短亭閣黃看到綠成陰春由他送迎 鶯思
重燕愁輕如人離別情繞湖煙冷罩波明畫船移玉笙

謁金門

鶯樹煖弱絮欲成芳繭流水惜花流不遠小橋紅欲滿
原上草迷離苑金勒晚風嘶斷等得日長春又短愁深山翠淺

絳都春

秋晚海棠與黃菊盛開

花嬌半面記密燭夜闌同醉深院衣袖粉香猶未經年如年遠玉顏不
趁秋容換但換卻春遊同伴夢回前度郵亭倦客又拈牋管
慵按梁州舊曲怕離柱斷絃驚破金雁霜被睡濃不比花前良宵短秋娘羞占
東籬畔待說與深宮幽怨恨他情淡陶郎舊綠較淺

詞旨屬對種石生雲移花帶月
詞眼愁羅恨綺

花草粹編翁處靜瑞龍吟云清明近還是遞趨東風做成花信
芳時一刻千金半晴半雨醉春未準雁歸盡離字向人欲寫暗
雲難認西園猛憶逢迎翠幃障面花間笑隱曲徑池蓮平砌絳
裙曾與濯香湔粉無柰燕幕鶯簾輕負嬌俊青榆巷陌躡馬紅
成寸十年夢鞞韉弔影鞞羅塵褪事往憑誰問畫長病酒添新
恨煙冷斜陽晚山黛遠曲曲關干凭損柳絲萬尺半堤風緊

鄭楷

楷字持正號眉齋三山人常著文房擬制表一卷載元人樊雪舟士寬所輯文章善戲

訴衷情

酒旗搖曳柳花天鶯語軟於縣碎綠未盈芳沼倒影蘸鞦韆
 陰玉燕
套金蟬負華年試問歸期是醅釀後是牡丹前

黃孝邁

孝邁字德文號雪舟劉克莊後村集跋雪舟長短句云十年前曾評君梁章耆矣復觀新腔一卷賦梨花云一春花下幽恨重重又愁晴又愁雨又愁風水仙云自側金危臨風一笑酒容吹盡恨東風忙去薰挑染柳不念淡妝人冷又云鶯鴻去後輕拋素鞦韆杳無音信細看來祇怕藥仙不肯讓梅花俊暮春云店舍無煙闕山有月梨花滿地二十年好夢不曾圓合而今老都休矣其清麗叔原方回不能加其緜密駸駸秦郎和天也瘦之作

湘春夜月

近清明翠禽枝上消魂可惜一片清歌都付與黃昏欲共柳花低訴怕柳花輕薄不解傷春念楚鄉旅宿柔情別緒誰與溫存
 空樽夜泣青

山不語殘月當門翠玉樓前惟是有一波湘水搖蕩湘雲天長夢短問
甚時重見桃根這次第算人閒沒箇并刀翦斷心上愁痕

水龍吟

閒情小院沈吟草深柳密簾空翠風簷夜響殘燈慵剔寒輕怯睡店舍
無煙關山有月梨花滿地二十年好夢不曾圓合而今老都休矣誰
共題詩秉燭兩厭厭天涯別袂柔腸一寸七分是恨三分是淚芳信不
來玉簫塵染粉衣香退待問春怎把千紅換得一池綠水

江開

開字開之號月湖

浣溪沙

手拈花枝憶小蘋綠窗空鎖舊時春滿樓飛絮一箏塵素約未傳雙
燕語離愁還入賣花聲十分春事情行雲

杏花天

謝娘庭院通芳徑
四無人花梢轉影
幾番心事無憑準
等得青春過盡
鞦韆下佳期又近
算畢竟沈吟未穩
不成又是教人恨
待倩楊花去問
杏花天

詞旨警句不成又是教人恨待倩楊花去問杏花天

譚宣子

宣子字明之號在菴

謁金門

人病酒生怕日高催繡
昨夜新番花樣瘦
旋抽雙蝶湊
閒凭繡牀呵
手卻說春愁還又
門外東風吹綻柳
海棠花厮勾

江城子

咏柳

嫩黃初染綠初描
倚春嬌
索春饒
燕外鶯邊想見萬絲搖
便作無情終

軟美天賦與眼眉腰 短長亭外短長橋駐金鑣繫蘭橈可愛風流年
紀可憐宵辦得重來攀折後煙雨暗不辭遙

花草粹編譚在菴春聲碎云津館貯輕寒脈脈離情如水東風
不管垂楊無力總雨顰煙膩闌干外怕看燕掠文疏鼓疊春聲
碎劉郎易憔悴况是厭厭病起花殘謾展便寫就新詞倩誰寄
當此際渾似夢映啼湘攬一寸相思意漁家傲云深意纏綿歌
宛轉橫波停恨燈前見最憶來時門半掩春不暖梨花落盡成
秋苑疊鼓收聲帆影亂燕飛又起東風軟目力謾長心力短消
息斷青山一點和煙遠

陳逢辰

逢辰字振祖號存熙

烏夜啼

月痕未到朱扉送郎時暗裏一汪兒淚没人知 搵不住收不聚被風
吹吹作一天愁雨損花枝

西江月

楊柳雪融滯雨醅醅玉軟欺風飛英穀穀扣雕櫳殘蝶歸來粉重 罨
畫扇題塵掩繡花紗帶寒籠送春先自費嗔紅更結疎雲秋夢

樓采

采字君亭

瑞鶴仙

凍痕銷夢草又招得春歸舊家池沼園扉掩寒峭倩誰將花信徧傳深
窈追遊趁早便裁卻輕衫短帽任殘梅飛滿溪橋和月醉眠清曉 年
小青絲纖手綵勝嬌鬟賦情誰表南樓信杳江雲重雁歸少記衝香嘶
馬流紅回岸幾度綠楊殘照想暗黃依舊東風灞陵古道

玉漏遲

絮花寒食路晴絲罨日綠陰吹霧客帽欺風愁滿畫船煙浦綵柱鞦韆
散後悵塵鎖燕簾鶯戶從閒阻夢雲無準鬢霜如許 夜永繡閣藏嬌

記掩扇傳歌翦燈留語月約星期細把花須頻數彈指一襟幽恨謾空
趁曉鶻聲訴深院宇黃昏杏花微雨

法曲獻仙音

花匣么絃象隘雙陸舊日留歡情意夢到銀屏恨裁蘭燭香篝夜闌鴛
被料燕子重來地桐陰鎖窗綺倦梳洗暈芳鈿自羞鸞鏡羅袖冷煙
柳畫欄半倚淺雨壓荼蘼指東風芳事餘幾院落黃昏怕春鶯驚笑惟
悴倩柔紅約定喚取玉簫同醉

好事近

人去玉屏間逗曉柳絲風急簾外杏花細雨冑春紅愁溼單衣初試
麴塵羅中酒病無力應是繡牀慵困倚鞦韆斜立

二郎神

露牀轉玉喚睡醒綠雲梳曉正倦立銀屏新寬衣帶生怯輕寒料峭悶

絕相思無人問但怨入牆陰
曉鳥嗟露屋鎖春晴風喧晝
柳輕梅小
人悄日長謾憶鞦韆
嘻笑悵燼冷爐薰花深鶯靜
簾箔微紅醉裊帶結
留詩粉痕銷
吧情遠竊香年少凝恨極
盡日憑高目斷淡煙芳草

玉樓春

東風破曉寒成陣
曲鎖沈香簧語嫩
鳳釵敲枕玉聲圓
羅袖拂屏金縷褪
雲頭雁影占來信
歌底眉尖縈淺暈
淡煙疎柳一簾春
細雨遙山千疊恨

詞旨屬對花面么絃象
險雙陸法曲獻仙音
珠感花輿翠翻簾額
汗粉難融袖香新竊
詞眼月約星期

奚減

減字倬然號秋崖

芳草 南屏晚鐘

笑湖山紛紛歌舞花邊如夢如薰響煙驚落日長橋芳草外客愁醒天
風送遠向兩山喚醒癡雲猶自有迷林去鳥不信黃昏 銷凝油車歸
後一眉新月獨印湖心藥宮相答處空巖虛谷應猿語香林正酣紅紫
夢便市朝有耳誰聽怪玉兔金烏不換只換愁人

董嗣杲西湖百咏注云南屏山在興教寺後舊多摩厓剝落之餘
止存司馬溫公隸書家人卦米元章書琴台二字東坡訪僧臻詩
云我識南屏金鯽魚重來撫檻散齋餘今寺非昔比山則蒼翠自
若

華胥引 中秋紫霞席上

澄空無際一幅輕綃素秋弄色翦翦天風飛飛萬里吹淨遙碧想玉杵
芒寒聽珮環無迹圓缺何心有心偏向歌席 多少情懷甚年年共憐
今夕藥宮珠殿還吟飄香秀筆隱約霓裳聲度認紫霞樓笛獨鶴歸來
更無清夢成覓

癸辛雜識賈秋壑八月八日生辰四方善頌者以數千計悉俾
翹館膳考第其甲乙四方傳誦為之紙貴奚俛然有齊天樂云

金颺吹淨人間暑連朝弄涼新雨萬寶功成無人解得秋入天
機深處閒中自數幾心酌乾坤手斟霜露護了山河共看元影
在銀兔而今神仙正好向青空覓箇沖澹襟宇常念羣生如何
便肯從我乘風去夷遊洞府把月杼雲機教他兒女水逸山明
此情天付與

趙聞禮

聞禮字立之號釣月

千秋歲

鶯曉晴晝南國春如繡飛絮眼凭闌袖日長花片落睡起眉山鬪無箇
事沈煙一縷騰金獸千里空回首兩地厭厭瘦春去也歸來否五更
樓外月雙燕門前柳人不見鞦韆院落清明後

魚遊春水

青樓臨遠水樓上東風飛燕子玉鈎珠箔密密鎖紅闌翠翦勝裁旂春
日戲簇柳簪花元夜醉閒憶舊歡漫撩新淚羅帕曉痕未洗愁見同

心雙鳳翅長安十日輕寒春衫未試過盡征鴻知幾許不寄蕭郎書一
紙愁腸斷也箇人知未

風入松

麴塵風雨亂春晴花重寒輕珠簾捲上還重下怕東風吹散歌聲棋倦
盃頻畫永粉香花豔清明十分無處著閒情來覓娉婷薔薇誤罨尋
春袖倩柔荑為補香痕苦恨嗁鶻驚夢何時翦燭重盟

水龍吟 水仙花

幾年埋玉藍田綠雲翠水烘春暖衣薰麝馥鞞羅塵沁凌波步淺鈿碧
搔頭膩黃冰腦參差難翦年聲沈素瑟天風佩冷踟躕舞霓裳遍 湘
浦盈盈月滿抱相思夜寒腸斷含香有恨招魂無路瑤琴寫怨幽韻淒
涼莫江空渺數峰清遠絮迎風一笑持花酌酒結南枝伴

隔浦蓮近

愁紅飛眩醉眼日淡芭蕉捲帳掩屏香潤楊花撲春雲暖曉鳥驚夢遠
芳心亂照影收匳晚 畫眉嬾微醒帶困離情中酒相半裙腰粉瘡怕
按六么歌板簾捲層樓探舊燕腸斷花枝和悶重撚

賀新郎

螢

池館收新雨耿幽叢流光幾點半侵疎戶入夜涼風吹不滅冷皎微茫
暗度碎影落仙盤秋露漏斷長門空照淚袖紗寒映竹無心顧孤枕掩
殘燈炷 練囊不照詩人苦夜沈沈拍手相親駭兒癡女欄外撲來羅
扇小誰在風廊笑語競獻踏金釵雙股故苑荒涼悲舊賞悵寒蕪衰草
隋宮路同燐火徧秋圃

詞旨警句句珠簾捲上還重下

施岳

岳字仲山號梅川武林舊事云施梅川吳人精于律呂其卒也楊
守齋為樹梅作亭薛梯颺為誌其墓李質房書周草窗題蓋葬于

西湖虎頭巖下
沈義甫云梅川音律有源流故其聲無舛誤讀唐詩多故語雅淡

水龍吟

翠鰲湧出滄溟影橫棧壁迷煙墅樓臺對起欄杆重凭山川自古梁苑
平蕪汴堤疎柳幾番晴雨看天低四遠江空萬里登臨處分吳楚 兩
岸花飛絮舞度春風滿城簫鼓英雄暗老昏潮曉汐歸帆過艣淮水東
流塞雲北渡夕陽西去正淒涼望極中原路杳月來南浦

清平樂

水遙花暝隔岸炊煙冷十里垂楊搖嫩影宿酒和愁都醒
原本云此下

缺六首

解語花

雲容沍雪暮色添寒樓臺共臨眺翠叢深窅無人處數菜弄春猶小幽
姿謾好遙相望含情一笑花解語因甚無言心事應難表 莫待牆陰

暗老稱琴邊月夜笛裏霜曉護香須早東風度咫尺畫闌瓊沼歸來夢
繞歌雲墜依然驚覺想恁時小几銀屏冷未了

蘭陵王

柳花白飛入青煙巷陌憑高處愁鎖斷橋十里東風正無力西湖路咫
尺猶阻仙源信息傷心事還似去年中酒懨懨度寒食 閒窗掩春寂
但粉指留紅茸唾凝碧歌塵不散蒙香澤念鸞孤金鏡雁空瑤瑟芳時
涼夜盡怨憶夢魂省難覓 鱗鴻渺踪跡縱羅帕親題錦字誰織絨情
欲寄重城隔又流水斜照倦簫殘笛樓臺相望對暮色恨無極

曲遊春

清明湖上

畫舸西泠路占柳陰花影芳意如織小楫衝波度翅塵扇底粉香簾隙
岸轉斜陽隔又過盡別船簫笛傍斷橋翠繞紅圍相對半篙晴色 項
刻千山暮碧向沽酒樓前猶繫金勒乘月歸來正梨花夜縞海棠煙幕

院宇明寒食醉乍醒一庭春寂任滿身露溼東風欲眠未得

步月 茉莉

玉宇薰風寶階明月翠叢萬點晴雪煉霜不就散廣寒霏屑采珠倍綠
萼露滋噴銀豔小蓮冰潔花魂在纖指嫩痕素英重結 枝頭香未絕
還是過中秋丹桂時節醉鄉冷境怕翻成消歇玩芳味春焙旋熏貯穠
韻水沈頻熱堪憐處輸與夜涼睡蝶

弁陽老人原注云茉莉嶺表所產古今咏者不甚多文公曾咏二
絕句鄒道卿亦曾題咏此篇小蓮冰潔之句狀茉莉最佳此花四
月開直至桂花時尚有玩芳味古人用此花焙茶故云
詞旨屬對竹深水遠臺高石出香茸沾袖粉甲留痕就船換酒隨
地攀花

錢塘

汪陳

沈同校勘

209445

絕妙好詞箋卷四終

絕妙好詞箋卷四終



中華民國玖拾捌年柒月廿捌日贈送



國家圖書館



003871514

